

Guangjshih Minzcuz Bau

ganhhau: CN45-0036 B.2018 Nd.4 Ng.25 liggaeuq fouhswt nienz ndwensam cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3321期

“Sam Nyied Sam Bouxcuengh” Fwen Hawj Vunz Maez

“壮族三月三”山歌惹人醉

Ndwen 4 ngoenz 18 banhaet, ciet liyyouz vwnzva Loegvet caeuq haw-fwen “sam nyied sam Bouxcuengh” Cungguk Mbanjcuengh • Vujmingz bi 2018 youq Namzningz Si Vujmingz Gih Dijyuzgvanj banh aen yizsi haimuq. Mwh aen yizsi haimuq, canghfwen Mbanjcuengh cuengq sing eu fwen, bouxyienj diuqfoux caenhshim diuqfoux, daengx aen hozdung yienh-cienz miz gij minzcuz fungcingz Bouxcuengh naekgywggywg hawj vunz maez.

Ngoenzhaenx aen yizsi haimuq youz gofoux 《Mehlungz Yienh Fuk》 haiciengz, gij biuyienj hingzik gig miz minzcuz fungcingz Bouxcuengh, hawj bouxyawj yawj dwk lwgda cungj

mbouj yaep. Daizvanh Ahmeijcuz gofoux biuyienj 《Ahmeijcuz Caeq Fungnienz》 youz Daizvanh Vahlenz Yen Vayinz Cunghyoz canhfangidonz daiq daeuj haenx, biuyienj hingzik moqsag daegbied, hawj gij heiqaenh hozdung engq nauhyied.

“Sam cien” hanghmoeg liglaiz dwg aen hozdung hawfwen hozdung neiyungz ndawde ciei hawj vunz cimyawj he. Aen yizsi haimuq le, cien vunz diuq fouxsaux, cien vunz fouxswt, cien vunz diuqfoux eu fwen foenfoen yienj, ca mbouj geijlai cien boux bouxyienj faenbied gapbaenz “doih haizgieg” “doih diuqfoux Bouxcuengh” “doih fouxgoepgvej” daengi aendoih caez biuyienj, gangj-

ok gij cawjdaez “eu fwen diuqfoux • Vujmingz goksad”.

Haimuqsik sat le, bouxyawj bae daengz aen gvangjangz baihlaeng Vujmingz Gih Dijyuzgvanj, camgya “gij cingz Loegvet, diuzlinx ndaej-geiq” Ranzcuengh naengj haex-naengj haj saek hozdung. Ciuq cam rox, vihliux hawj bouxyawj caeuq bouxhek ndaej cimz haexnaengj haj saek, baez neix Vujmingz Gih naengj 3389 gaen haexnaengj haj saek, eiqsei dwg youq gaiq diegnamh 3389 bingzfueng goengleix neix, Vujmingz gak cuz beksingq saedceij ngoenz ndei gvaq ngoenz.

(Dangz Ciuhyen)

SIUSIK DINJ

简讯

● Ndwen 4 ngoenz 19, Daizvanh Vahlenz Yen Fungb-binh Yangh aen canhfangidonz minzcuz vunzniox 32 boux vunz daengz Denzlinz Yen Licouh Yauzcuz Yangh Fuzsiengz Cunh Mbanjnazbingz haiguh aen hozdung lienzhaeh cingzngieih angq-gvaq “sam nyied sam Bouxcuengh”, hozdung guh byongh ngoenz. Youq Mbanjnazbingz, canhfangidonz caeuq vunzlai dangdieg doenggvaq Daizvanh fungcingz gofoux, fwen Bouxcuengh, biuyienj Heiqcuengh, doxhag vahgangj daengj fuengsik, doxgyau cingzngieih doxhag vwnz-va.

(Luz Funggingh)

● Ndwen 4 ngoenz 18, Namzningz Si bi 2018 “sam nyied sam Bouxcuengh • aen ciet angq Guengjsae” youq Namzningz Huzminzgoh haimuq. Hozdung dajcauh doiok “bak boux canghfwen eu fwen” “bak boux meh-siuqva yienj dinfwngz” “bak vunz bau aendomq” daengj hozdung ndeiawj, haenqrengz langhbaij gij vwnzva cietfwen ndeiawj caeuq gak dieg feihyiz ndeindei doxcomz.

(Bangz Linaz)

● Sam nyied sam geizgan, Gunghcwnz Yauzcuz Swciyen doenggvaq lai diuz roenloh, lai cungj hingzik fatcuengq senhconz swlhliu, nem vehsenhconz, venj fuk baengzhoengz byauhyij, yungh goeng'ik denswj bingzmuq boqcuengq minzcuz cwngecwz, fapldw fapgvi caeuq minzcuz gihbwnj cihsiz daengj hingzik haiguh senhconz, haenqrengz senhconz daengx yienh gvancez doeksaed fapgagguenj dieg minzcuz, gij cingzcik yienhda coicaenh ginghcei ndawbiengz hwngfat.

(Cwng Ciminj)

● Ndwen 4 ngoenz 18, dwg ngoenzgyaj daeuz “sam nyied sam Bouxcuengh” Guengjsae, Yungz-suij Myauzcuz Swciyen Cuengh, Myauz, Dung daengj minzcuz vunzniox banh doiq fwen, ngaizbakranz daengj hozdung, angqhoh “sam nyied sam Bouxcuengh”, Yungzsuij gak ginggih doiok max doxdik, aenvenz caijdangz daengj minzsuz fungcingz biuyienj yinx ndaej haujlai bouxhek.

(Liu Swjyenh)

Aen Vanjvei Vwnzyi Haemh Baeuqroxdox Youq Denzyangz Yienj

布洛陀之夜文艺晚会在田阳上演



Ndwen 4 ngoenz 21 banhaemh, aen vanjvei vwnzyi haemh Baeuqroxdox youq Denzyangz Yen Denzcouh Gujcwngz Baeuqroxdox Gvangjangz banh, aen vanjvei neix dwg gij youqgaenj ciet liyyouz vwnzva minzsuz Baeuqroxdox Baksak Si bi 2018. vanjvei miz minzsuz diuqfoux 《Saenzbya》, lienz-cienq go 《Rumz Daj Mbanjcuengh Daeuj》《Aen Mak Ndingding》《Gujcwngz Banhaemh Nauh-yied》 daengj buek cizmuz maenhndei gig miz minzcuz fungcingz he. Ndaw doz dwg bouxyienj youq gwnz daiz yienjheiq.

(Vangz Goxsun/黄国顺)

Sam Nyied Sam Guengjsae:

Mbanjranz Louz Samcej Doxdax Eu Fwen Hoenghhwd

广西三月三:刘三姐故里赛歌忙

Ndwen 4 ngoenz 20, ngoenz daihsam ngoenzgyaj cietfwen “sam nyied sam Bouxcuengh” bi 2018 Guengjsae, mbanjranz Louz Samcej Hozciz Si Yizcouh Gih Mbanjliuzhoz banh langhbaij gij vwnzva Fwen-cuengh, doenggvaq eu fwen, bau aendomq daengj hozdung lai cungj lai yiengh, yinx ndaej haujlai bouxhek daeuj yawjngonz caeuq daejniemh gij vwnzva minzcuz conzdungj.

Louz Samcej dwg canghfwen Bouxcuengh ndawbiengz cienznaeuz, de coengmingz lingzsingj, rox eu fwen lai, sing fwen ndei dingq, ndaej haenh baenz “sienfwen”. Gyoengq-vunz gig gyaemaiz Louz Samcej, gij gojgaeq caeuq gij geiqsij caeuq de mizgven haenx miz gig lai, gyoengq-vunz aeu binaengz “sam nyied sam” (liggaeuq ndwensam cosam) guh baenz ngoenzciet daeuj geiqniemh

de.

Ciuq cam rox, bi 2006, “fwen Louz Samcej” Hozciz Si Yizcouh Gih bauq haenx ndaej senj haenx buek daih'it guekgya gaep feihvuzciz vwnzva yizcanj mingzloeg, caemhcai qinggvaq guekgya gvendaengz danh-vei gaujcingq yenzgiu gietdingh Yizcouh Gih dangguh mbanjranz Louz Samcej.

(Gungh Siengzyouj/龚祥友)